

長春真人西遊記卷上

卷上

長春真人西遊記卷下

門人真常子李希常述

群十

宣差李公東邁以詩寄東方道衆云當時發  
 初海邊城海上干戈尚未平道德欲興千里  
 外風塵不憚九夷行初從西北登高嶺嶺野  
 漸轉東南指上京陸河東呼東迤邐直西  
 南下去西南四千里到九聖原陰山之外不  
 知名陰山西南一重大山一重小水數千里  
 師既還館據北崖俯清溪十餘丈溪水自  
 雪山來甚寒仲夏炎熱就北軒風臥夜則寢  
 屋顛之臺六月極暑浴池中師之在絕域自  
 適如此河中壤地宜百穀唯無蕎麥大豆四  
 月中麥熟土俗收之亂堆於地遇用即碾六  
 月始畢太師府提控李公獻瓜田五畝味極  
 甘香中國所無間有大如斗者六月間二太  
 子迎劉仲祿乞瓜獻之十枚可重一擔果茶  
 甚贍所欠者芋栗耳茄實若蔗指而色紫黑  
 男女皆編髮男冠則或如遠山帽飾以雜絲  
 刺以雲物絡之以纓自留長以下在位者冠  
 之庶人則以白麻斯神六尺許盤於其首留

豪之婦纏頭以羅或皂或紫或繡花卉織物象  
 長可五六尺髮皆垂有袋之以絛者或素或  
 雜色或以布帛爲之者不梳髻以布帛蒙之  
 若比丘尼狀庶人婦女之首飾也衣則或用  
 白氎縫如注袋窄上寬下綴以袖謂之襯衣男  
 女通用車舟農器制度頗異中原國八皆以  
 鑰石銅爲器四間以磁有若中原定磁者酒  
 器則純用琉璃兵器則以鑲市用金錢無輪  
 孔兩面鑿回紇字其人物多魁梧有膂力能  
 負戴重物不以擔婦人出嫁夫負則再嫁遠  
 行踰三月則亦聽他適異者或有積集國中  
 有稱大石馬者識其國字專掌簿籍遇季冬  
 設齋一月比暮其長自剗羊爲食與席者同  
 享自夜及旦餘月則設六齋又於危舍上跳  
 出大木如飛簷長闊丈餘上構虛亭四垂纓  
 絡每朝夕其長登之禮西方謂之告天不奉  
 佛不奉道大呼吟於其上丁男女聞之皆趨  
 拜其下舉國皆然不爾則弃市衣與國人同  
 其首則盤以細麻斯長三丈二尺骨以竹師  
 異其俗作詩以記其實云回紇立墟萬里疆

河中城大最為強滿城銅器如金器一市戎裝似道裝剪鐵黃金為貨賂裁縫白氈作衣裳靈瓜素糗非凡物赤縣何人構得嘗嘗暑雪山甚寒烟雲慘淡師乃作絕句云東山日夜氣濛濛曉色彌天萬丈紅明月夜來飛出海

金光射透碧霄空師在館賓客甚少以經書遊戲後有絕句云北出陰山萬里餘西過大石半年居遊荒鄙俗難論道靜室幽巖且看書七月載生魄遣阿里鮮奉表詣行宮稟論道日期八月七日得上所批卷八日即行太師相送數十里師乃曰回紇城東新叛者二千戶夜夜火光照城人心不安太師可迴安撫太師曰在路萬一有不虞奈何師曰豈關太師事乃迴十有二日過碣石城十有三日得護送步卒千人甲騎三百入大山中行即鐵門外別路也涉紅水澗有峻峰高數里谷東南行山根有鹽泉流出見日即為白鹽因收二斗隨行日用又東南上分水嶺西望高澗若水乃鹽耳山上有紅鹽如石親嘗見之東方唯下地生鹽此方山間亦出鹽回紇多

餅食且嗜鹽渴則飲水冬寒貧者尚負餅售之十有四日至鐵門西南之麓將出山其山門峻峻左崖崩下澗水伏流一里許中秋抵河上其勢若黃河流西北乘舟以濟宿其南岸西有山寨名團八刺山勢險固三太子之

醫官鄭公途中相見以詩贈云自古中秋月最明涼風屆候夜彌清一天氣象沉銀漢四海魚龍耀水精吳越樓臺歌吹滿燕秦都曲酒看盈我之帝所臨河上欲罷干戈致太平河東南行三十里乃無水即夜行過班里城甚大其眾新叛去尚聞犬吠黎明飯畢東行數十里有水北流馬僅能渡東岸憩宿十二日田鎮海來迎及行宮上遣復鎮海問曰便欲見邪且少憩邪師曰入見是望且遣人從來見帝無跪拜禮入帳折身叉手而已既見賜酒醪竟乃辭上因問所居城內支供足乎師對從來蒙古回紇太師支給近者食用稍難太師獨辦翌日又遣近侍官合住傳旨曰真人每日來就食可乎師曰山野修道之人唯好靜處上令從便二十七日車駕北

迴在路屢賜蒲萄酒瓜茶食九月朔渡航橋而北師奏話期將至可召太師阿海其月望上設幄齋莊退侍女左右燈燭煇煌唯閣利必鎮海宣差仲祿侍於外師與太師阿海阿里鮮入帳坐奏曰仲祿萬里周旋鎮海數千里

遠送亦可入帳預聞道話於是召二人入師有所說即令太師阿海以蒙古語譯奏頗愜聖懷十有九日清夜再召師論道上大悅二十有三日又宣師入幄禮如初上溫顏以聽今左右錄之仍勅誌以漢字意示不忘謂左右曰神仙三說養生之道我甚入心使勿泄於外自爾扈從而東時敷奏道化又數日至邪米恩于大城西南三十里十月朔奏告先還舊居從之上駐蹕于城之東二十里是月六日暨太師阿海入見上曰左右不去如何師曰不妨遂令太師阿海奏曰山野學道有年矣常樂靜處行坐御帳前軍馬雜遝精神不爽自此或在先或在後任意而行山野受賜多矣上從之既出帝使人追問曰要充厥馬否師曰無用于時微雨始作青草復生仲

冬過半則雨雪漸多地脉方透自師之至斯城也有餘糧則惠飢民又時時設粥活者甚衆二十有六日即行十二月二十三日雪寒在路牛馬多凍死者又三日東過霍蘭葦葦蚩河至行在聞其航橋中夜斷散蓋二十八日也帝問以震雷事對曰山野聞國人夏不浴於河不浣衣不造邈野有菌則禁其採者畏天威也此非奉天之道也常聞三千之罪真大於不孝者天故以是警之今聞國俗多不孝父母帝乘威德可戒其衆上悅曰神仙是言正合朕心勅左右紀以回紇字師請徧諭國人上從之又集太子諸王大臣曰漢人尊重神仙猶汝等敬天我今愈信真人也乃以師前後奏對語諭之且云天俾神仙為朕言此汝輩各銘諸心師辭退連正旦將帥醫卜等官賀師十有一日馬首遠東西望邪米思干千餘里駐大果園中十有九日父師誕日衆官炷香為壽二十八日太師府提控李公別去師謂曰再相見也無李公曰三月相見師曰汝不知天理二三月決東歸矣二十一

日東遼一程至一大川東北去賽藍約三程水草豐茂可飽牛馬因盤桓焉二月上七日師入見奏曰山野離海上約三年迴今茲三年復得歸山固所願也上曰朕已東矣同遠可乎對曰得先行便來時漢人問山野以還期嘗答云三歲今上所認訪敷奏訖因復回辭上曰少俟三五日太子來前來道話所有未解者朕悟即行八日上獵東山下射一大豕馬踏失馭豕傍立不敢前左右進馬遂罷獵還行宮師聞之入諫曰天道好生今聖壽已高宜少出獵墜馬天戒也豕不敢前天護之也上曰朕已深省神仙勸我良是我蒙古人騎射少所習未能遠已雖然神仙之言在衷焉上顧謂吉息利荅刺汗曰但神仙勸我語以後都依也自後兩月不出獵二十有四日再辭朝上曰神仙將去當與何物朕將思之更少待幾日師知不可遽辭徊翔以待三月七日又辭上賜牛馬等物師皆不受曰祇得駟騎足矣上問通事阿里鮮曰漢地神仙弟子多少對曰甚衆神仙來時德興府龍陽

觀中常見官司催督差發上謂曰應干門下人悉令蠲免仍賜聖旨文字一通且用御寶因命阿里鮮為宣差以蒙古帶喝刺八海副之護師東還十日辭朝行自荅刺汗已下皆攜蒲萄酒瓊果相送數十里臨別衆皆揮涕三日至賽藍大城之東南山有蛇兩頭長二尺許土人往往見之望日門人出郊致真子虛靜先生趙公之墓衆議欲負其骨歸師曰四大假軀終為弃物一靈真性自在無拘衆議乃息師明日遂行二十有三日宣差阿狗追餞師於吹沒輦之南岸又十日至阿里馬城西百餘里濟大河四月五日至阿里馬城之東園二太子之太匠張公固請曰弟子所居營三壇四百餘人晨參暮禮未嘗懈怠且預接數日伏願仙慈渡河俾壇衆得以請教幸甚師辭曰南方因緣已近不能遽路以行復堅請師曰若無佗事即當往焉翌日師所乘馬突東北去從者不能挽於是張公等悲泣而言曰我輩無緣天不許其行矣晚抵陰山前宿又明日復度四十八橋緣溪上



五十里至天池海東北過陰山後行二日方接元歷金山南大河驛路後經金山東南北並山行四月二十八日大雨雪翌日滿山皆白又東北並山行三日至阿不罕山前門人宋道安輩九人同長春玉華會奉宣差郭德全輩遠迎入樓霞觀歸依者日衆師下車時雨再降人相賀曰從來此地經夏少雨縱有雷雨多於南北兩山之間今日雷足皆我師道齋所致也居人常歲詠河灌田圖至八月床麥始熟終不及天雨秋成則地鼠為害鼠多白者此地寒多物晚結實五月河岸土深尺餘其下堅冰亦尺許齋後日使人取之南望高嶺積雪盛夏不消多有異事少西海子傍有風塚其上土白墜多粉裂其上二三月中即風起南山崑穴先鳴蓋先驅也風自塚間出初旋動如羊角者百千數少焉合為一風飛沙走石發屋拔木勢震百川息于巽隅又東南澗後有水磨三四至平地則水漸微而絕山出石炭又東有二泉三冬暴漲如江湖復潛行地中俄而突出魚鯢隨之或漂沒

居民仲春漸消地乃陷西北千餘里儉儉州出良鐵多青鼠亦收床麥漢丘千百人居之織綾羅錦綺道院西南望金山其山多雨雹五六月間或有大雪深丈餘此地間有沙陀出肉莢容國人呼曰唆眼水曰兀連草曰愛不連深入山陰松皆十丈許會衆白師曰此地深蕃太古以來不聞正教唯山精鬼魅惑人自師立觀臺設醮筵且望作會人多以殺生為戒若非道化何以得然先是壬午年道衆為不善人妬害衆不安宋公道安畫寢方丈忽於天窓中見虛靜先生趙公曰有書至道安問從何來曰天上來受而視之止見太清二字忽隱去翌日師有書至魔事漸消又鑿者羅生橫生非毀一日墮馬觀前折其脛即自悔曰我之過也對道衆服罪師東行書教語一篇示衆云萬里乘官馬三年別故人干戈猶未息道德偶然陳論氣當秋夜對上論還鄉及暮春思歸無限衆不得下情伸阿里鮮等白師曰南路饒沙石鮮水草使客甚繁馬甚苦恐留滯師曰分三班以進吾徒無

惠矣五月七日令宋道安夏志誠宋德方孟志溫何志堅潘德冲六人先行十有四日師挈尹志平王志明于志可鞠志園揚志靜恭志清六人次之餞行者夾谷妃郭宣差李萬戶等數十人送二十里皆下馬再拜泣別師策馬進十有八日張志素孫志堅鄭志倫張志遠李志常五人又次之師東行十六日過大山上山有雪甚寒易騎于拂廬十七日師不食但時時飲湯東南過大沙場有草木其間多蚊蛇夜宿河東又數日師或乘車尹志平輩認師曰奚疾師曰余疾非醫可測聖賢琢磨故也卒未能愈汝輩勿慮衆愀然不釋是夕尹志平夢入曰師之疾公輩勿憂至漢地當自愈行又經沙路三百餘里水草絕少馬夜進不息再宿乃出地臨夏人之北僅廬帳漸廣馬易得後行者乃及師六月二十一日宿漁陽關師尚未食明日度關而東五十餘里豐州元帥以下來迎宣差俞公請泊其家奉以湯餅是日報飽食繼而設齋飲食乃如故道衆相謂曰清和前日之夢驗不虛矣

卷之三

時已季夏北軒涼風入坐俞公以蠶紙求書師書之云身閒無俗念鳥宿至鷄鳴一眼不能睡寸心何所繫雲收溪月白蒸爽谷神清不是朝昏坐行功担捏成七月朔後起三日至下水元帥夾谷公出郭來迎館於所居來瞻禮者無慮十人元帥日益敬有鷄鴈三七夕日師遊郭外放之海中少焉翔戲於風濤之間容與自得師賦詩曰養爾存心欲薦庖逢吾念善不為肴扁舟送在鯨波裏會待三秋長六梢又云兩兩三三好弟兄秋來羽翼未成放歸碧海深沈處浩蕩波瀾快野情翌日乃行是月九日至雲中宣差總管阿不合與道衆出京以步輦迎歸于第樓居二十餘日總管以下晨參暮禮雲中士大夫日來請教以詩贈之云得 旨還鄉早乘春造物多三陽初變化一氣自冲和驛馬程程送雲山慶慶羅京城一萬里重到即如何十有三日宣差阿里鮮欲往山東招諭懇求與門弟子尹志平行師曰天意未許雖往何益阿里鮮再拜曰若國王臨以大軍生靈必遭殺戮

願父師一言垂慈師良久曰雖救之不得猶愈於坐視其死也乃令清和同往即付招諭書二副又聞宣德以南諸方道衆來參者多恐隨庵困於接待令尹公約束付親筆云長行萬里一去三年多少道人縱橫無賴者尹公到日一面施行勿使教門有妨道化衆生福薄容易轉流上山即難下坡省力耳宣德元帥移刺公遣專使持書呈雲中以取乘馬奉師八月初東邁揚河歷白登天城懷安渡潰河凡十有二日至宣德元帥具威儀出郭西遠迎師入居州之朝元觀道友敬奉遼書四十字云萬里遊空界三年別故鄉迴頭身已老過眼夢何長浩浩天空闊紛紛事杳茫江南及塞北從古至今常道衆且云去冬有見虛靜先生趙公率馬自門入者衆爲之出迎忽不見又德興安定亦有人見之河朔州府王官將帥及一切士庶爭以書疏來請若輜輳然止迴答數字而已有云王室未寧道門先暢開度有緣恢弘無量群方帥首志心歸向恨不化身分酬衆望十月朔作醮於龍

門川望日醮於本州朝元觀十一月望宋德方等以向日過野狐嶺見白骨所發願心乃同太君尹千億醮于德興之龍陽觀濟度孤魂前數日稍寒及設醮二夜三日有如春醮畢元帥賞昌至自行在傳音神仙自春及夏道途匪易所得食物駟騎好否到宣德等處有司在意館殺否招諭在下人戶得來否朕常念神仙無忘朕十二月既望醮于蔚州三館師於龍陽住冬旦夕常往龍岡閑步下視德興以兵革之後村落蕭條作詩以寫其意云昔年林木參天合今日村坊徧地開無限蒼生臨白刃幾多華屋變青灰又云豪傑痛吟千萬首古今能有幾多人研窮物外閑中趣得脫輪迴泉下塵甲申之春二月朔醮於緡山之秋陽觀觀在大翻山之陽山水明秀松蘿煙月道家之地也以詩題其樂云秋陽觀後碧窰深萬頃煙霞掃翠岑一徑桃花春水急彎環流出洞天心又云羣山一帶碧嵯峨上有羣仙日夜過洞府深沈人不到時聞巖壁洞仙歌燕京行省金紫石抹公宣

差便宜劉公以下諸官遣使者持疏懇請師住  
 大天長觀許之既而以驛召乃度居庸而南  
 燕京道交來迎於南口神游觀明旦四遠父  
 老士女以香花導師入京瞻禮者塞路初師  
 之西行也衆請還期師曰三載歸三載歸至  
 是果如其言以上七日入天長觀齋者日千  
 人望日會衆請赴玉虛觀是月二十五日喝刺  
 至自行宮傳旨神仙至漢地以清淨道化人  
 每日與朕誦經祝壽甚好教神仙好田地內  
 愛住處佳道與阿里鮮神仙壽高善為護持  
 神仙無忘朕舊言仲夏行省金紫石抹公便  
 宜劉公再三持疏請師住持大天長觀是月  
 二十有二日赴其請空中有數鶴前導僚西  
 北而去自師寓玉虛或就人家齋常有三五  
 鶴飛鳴其上北方從來奉道者鮮至是聖賢欲  
 使人歸向以此顯化耳八會之衆皆稽首拜  
 跪作道家禮時俗一變玉虛井水舊鹹苦甲  
 申乙酉年西來道衆甚多水味變甘亦善緣  
 所致也季夏望日宣差相公劄八傳旨自神  
 仙去朕未嘗一日忘神仙神仙無忘朕朕所

有之地愛願處即任門人恒為朕誦經祝壽  
 則嘉自師之復來諸方道侶雲集邪說日寢  
 京人翕然歸慕若戶曉家諭教門四闢百倍  
 往昔乃達八會於天長日平等曰長春曰靈  
 寶曰長生曰明真曰平安曰消災曰萬運師既  
 歸天長遠方道人繼來求法名者日益衆嘗  
 以四頌示之其一云世情無斷滅法界有消  
 磨好惡榮心曲漂淪奈爾何其二云有物先  
 天貴無名不自生人心常隱伏法界任縱橫  
 其三云徇物雙眸眩勞生四大窮世間渾是  
 假心上不知空其四云昨日念無蹤今朝事  
 亦同不如齊放下度日且空空每齋畢出遊  
 故苑瓊華之上從者六七人宴坐松陰或自  
 賦詩相次屬和間因茶罷令從者歌游仙曲  
 數闕夕陽在山澹然忘歸由是行省及宣差  
 劄八相公北宮園池并其近地數十頃為獻  
 且請為道院師辭不受請至于再始受之既  
 而又為頌文勝以禁樵採者遂安置道侶日  
 益備葺後具表以聞上可其奏自尔佳時勝  
 日師未嘗不往來乎其間寒食日作春遊詩

二首其一云十頃方池間御園森松栢栢  
 清煙亭臺萬事都歸夢花柳三春卻屬仙島  
 外更無清絕地人間唯有廣寒天深知造物  
 安排定乞與官民種福田其二云清明時節杏  
 花開萬戶千門日往來島外茫茫春水關松  
 間獵獵暖風迴遊人共嘆斜陽逼遠士猶嗟  
 短景催安得大丹冥換骨化身飛上鬱羅臺  
 乙酉四月宣撫王公巨川請師致齋于其第  
 公開右人也因話咸陽終南竹木之勝請師  
 看庭竹師曰此竹殊秀兵火而後蓋不可多  
 得也我昔居于磻溪茂林修竹真天下之奇  
 觀也思之如夢今老矣歸期將至當分我數  
 十竿植寶玄之北軒聊以遮眼宣撫曰天下  
 兵革未息民甚倒懸主上方尊師重道賴師  
 真道力保護生靈何速出此言邪願垂大慈  
 以救世為念師以杖叩地笑而言曰天命已  
 定由人手哉衆莫測其意夏五月終師登壽  
 樂山巔四顧園林若張翠幄行者休息其下  
 不知暑氣之甚也因賦五言律詩云地土臨  
 邊塞城池歷古今雖多壞宮闕尚有好園林



綠樹攢攢空清風陣陣深日遊仙島上高視  
八紘吟一日師自瓊島廻陳公秀玉來見師  
出示七言律詩云蒼山突兀倚天孤翠柏陰  
森遠殿扶萬頃煙霞常自有一川風月等閑  
無喬松挺拔來深澗異石嵌空出太湖盡是  
長生閑活計脩真薦福邁京都九月初吉宣  
撫王公以榮感犯尾宿主燕境灾將請師作  
醮問所費幾何師曰一物失所猶懷不忍况  
閩境爭比年已來民苦徵役公私交罄我當  
以觀中常佳物給之但令京官齋戒以待行  
禮足矣餘無所用也於是約作醮兩晝夜師  
不憚其老親禱于玄壇醮竟之夕宣撫喜而賀  
之曰榮感已退數舍我輩無復憂矣師之德  
感一何速哉師曰余有何德所禱之事自古  
有之但恐不誠耳古人曰至誠動天地此之謂  
也重九日遠方道衆咸集或以菊為獻師作  
詞一闕寓聲恨歡逢云一種靈苗體性殊待  
秋風冷透根株散花開百億黃金燦照天地  
清虛九日持來滿座隅坐中觀眼界如如類  
長生久視無凋謝稱伴閑居繼而有奉道

者持鹽紙大軸來求親筆以鳳樓梧詞書之  
云得好休來休便是贏取逍遙免把身心使  
多少聰明英烈士忙忙虛負平生志造物推  
移無定止昨日歌歡今日愁煩至今日不知明  
日事區區著甚勞神思一日或有質是非于其  
前者師但漠然不應以道義釋之復示之以頌  
曰拂拂拂拂盡心頭無一物無物心頭是好人  
好人便是神仙佛其人聞之自愧而退丙戌正  
月盤山請師黃籙醮三晝夜是日天氣晴霽  
人心悅懌寒谷生春將事之夕以詩示衆云  
詰曲亂山深山高快客心羣峰爭挺拔巨壑  
太蕭森似有飛仙過珠無宿鳥吟黃冠三日  
醮素服萬家臨五月京師大旱農不下種人以  
為憂有司移市立壇懇禱前後數旬無應行  
省差官賈疏請師為祈雨醮三日兩夜當設  
醮請聖之夕雲氣四合斯須雨降自夜半及  
食時未止行省委官奉香火來謝曰京師久  
旱四野欲然五穀未種民不聊生賴我師道  
力感通工真以降甘澍百姓僉曰神仙雨也  
師答曰相公至誠所感上聖垂慈以活生靈

吾何與焉使者出復遣使來告曰雨則既降  
奈久旱未霑足何更得滂沱大作此早可解頽  
我師意悲師曰無慮人以至誠感上真上真  
必以誠報人大雨必至齋未竟雨勢海立是  
歲有秋名公碩儒皆以詩來賀一日有吳大  
卿德明者以四絕句來上師復次韻答之其  
一云燕國瞻公即此州超凡入聖洞賓儔一  
時鶴駕歸蓬島萬劫仙鄉出土丘其二云我  
本深山獨自居誰能天下衆人譽軒轅道士  
來相訪不解言談世俗書其三云莫把開人  
作等閑開人無欲近仙班不於此日開心地  
更待何時到寶山其四云混沌開基得自然  
靈明翻小大椿年出生入死常無我跨古騰  
今自在仙又題支仲元畫得一元保玄素三  
仙圖云得道真仙世莫窮三師何代顯靈蹤  
直教御府相傳授閱向人間類赤松又奉道  
者求頌以七言絕句示之云朝昏忽忽急相  
催暗換浮生兩鬢絲造物戲人俱是夢是非  
嚮日又何為師自受行省已下衆官疏以未  
闕天長之聖位殿閣常住堂宇皆上頽下圯

至於窻戶增砌毀撤殆盡乃命其徒日益修葺輝漏者補之傾斜者正之斷手于丙戌皆一新之又創修寮舍四十餘間不假外緣皆常住自給也凡遇夏月令諸齋舍不張燈至季秋稍親之所以預火備也十月下寶玄居方壺每夕召衆師德以次坐高談清論或通宵不寐仲冬十有三日夜半振衣而起步於中庭既還坐以五言律詩示衆云萬象彌天閣三更生地勞參橫西嶺下斗轉北辰高大勢無由遏長空不可韜循環誰主宰德劫自堅牢丁亥自春及夏又早有司祈禱屢矣少不獲應京師奉道會衆一日請師為祈雨既而消災等會亦請作醮師徐謂曰我方留意醮事公等亦建此議所謂好事不約而同也公等兩家但當慙慙遂約以五月一日為祈雨醮初三日為賀雨醮三日中有雨是名瑞應雨過三日雖得非醮家雨也或曰天意未易度師對衆出是語萬一失期能無招小人之訾邪師曰非爾所知也及醮竟日雨乃作翌日盈尺越三日四天廓清以終謝雨醮

事果如其言時暑氣煩煥元帥張寶胤者請師遊西山再四過勤師赴之翌日齋罷雨後遊東山庵師與客坐于林間日夕將還以絕句示衆云西山爽氣清過雨白雲輕有客林間坐無心道自成既還元帥第樓居數日來聽道話者竟夕不寐又應大谷庵請次日清夢庵請其夕大雨自北來雷電怒合東西震耀師曰此道之用也得道之人威光烜赫無乎不在雷電莫能匹也夜深客散師偃息草堂須臾風雨驟至怒霆一震窻戶幾裂少焉收聲人皆異之或曰霹靂當游至何一舉而息邪有應者曰無乃至人在茲雷師為之霹靂威手既運五月二十有五日道人王志明至自秦州傳旨改北宮仙島為萬安宮天長觀為長春官語天下出家善人皆隸焉且賜以金虎牌道家事一仰神仙處置小暑後大雨屢至暑氣愈熾以七言詩示衆云溽暑熏天萬里遙洪波拍海大川潮嘉禾已見三秋熟早魃仍聞五月消百姓共忻生有望三軍不待令方調寔由道化行無外賄賜豐年助

聖朝自瓊島為道院樵薪捕魚者絕迹數年園池中禽魚蕃育歲時遊人往來不絕齋餘師乘馬日九一往六月二十有一日因疾不出浴於宮之東溪二十有三日人報已午間雷雨大作太液池之南岸崩裂水入東湖聲聞數十里龜鼉魚鼈盡去池遂枯涸北山亦摧師聞之初無言良久笑曰山摧池枯吾將與之俱乎七月四日師謂門人曰昔丹陽嘗授記於余云吾沒之後教門當大興四方往往化為道鄉公正當其時也道院皆勅賜名額又當住持大宮觀仍有使者佩符乘傳勾當教門事此時乃公功名遂歸休之時也丹陽之言一一皆驗若念符契况教門中勾當人內外悉具吾歸無遺恨矣師既示疾于寶玄一日數如偃中門弟子止之師曰吾不欲勞人汝等猶有分別在且偃寢奚異哉七月七日門人復請曰每日齋會善人甚眾願垂大慈還堂上以慰瞻禮師曰我九日上堂去也是日午後留頌云生死朝昏事一般幻泡出沒水長閑微光見處跳烏兔玄量開



時納海山揮斥八紘如咫尺吹噓萬有似機關狂辭落筆成塵垢寄在時人安聽聞遂登葆光堂歸真焉異香滿室門人拾香拜別衆欲哭臨侍者張志素武志攬等遽止衆曰真人適有遺語令門人宋道安提舉教門事尹志平副之張志松又其次王志明依舊勾當宋德方李志常等同議教門事遂復舉似遺世頌畢提舉宋道安等再拜而受黎明具麻服行喪禮奔走赴喪者萬計宣差劉仲祿聞之愕然歎曰真人朝見以來君臣道合離闕之後上意眷慕未嘗以忘今師既昇去速當奏聞首七之後四方道俗遠來赴喪哀慟如喪考妣於是求訓法名者日益多一日提舉宋公謂志常曰今月上七日公暨我同受師旨法名等事爾其代書止用吾手字印此事已行姑以衆之繼而清和大師尹公至自德興行祀事既終七提舉宋公謂清和曰吾老矣不能維持教門君可代我領之也議至于再清和受其託遠適奉道會中善衆不減往昔戊子春三月朔清和建議為師構堂于白雲觀或

口工力浩大糧儲鮮少恐難成功清和曰凡事要人前思夫衆可與樂成不可與慮始但事不思已教門竭力何為而不辦况先師遺德在人四方孰不瞻仰可不勞行化自有人贊助此緣公等勿疑更或不然常住之物費用靜畫各操一瓢乃所願也宣差便宜劉公聞而喜之力贊其事遂舉鞠志圓等重其後自四月上丁除地建址歷戊己庚俄有平陽太原堅代蔚應等羣道人二百餘資糧助力肯構是堂四旬告成其間同結茲緣者不能備紀議者以為締構之勤雖由人力亦聖賢陰有以扶持也期以七月九日大葬仙師六月間霖雨不止皆慮有妨葬事既七月初吉遂報晴霽人心翕然和悅前一日將事之初乃炷香設席以嚴其祀及啓柩師容色儼然如生遠近王官士庶僧尼善衆觀者凡三日日萬人皆以手加額嘆其神異焉繼而宣播四方傾心歸嚮來奉香火者不可勝計本宮建奉安道場三晝夜預告齋旬日八日辰時玄鶴自西南來尋有白鶴繼至人皆仰而異之

九日子時後設靈寶清醮三百六十分位醮禮終藏仙蛻于堂異香芬馥移時不散臨午致齋黃冠羽服與坐者數千人奉道之衆又復萬餘既寧神翌日大雨復降人皆嘆曰天道人事上下和應了此一大事非我師道德純備通于天地達于神明疇克如是乎諒非人力所能致也權省宣撫王公巨川咸陽巨族也素慕玄風近歲又與父師相會于燕雅懷昭映道同氣合尊仰之誠更甚疇昔故會茲葬事自為主盟京城內外屯以甲兵備其不虞罷散之日累無驚擾於是親榜其堂曰處順其觀曰白雲焉師為文未始起橐籥絃肆筆而成後復有求者或輒自增損故兩存之嘗夜話謂門弟子曰古之得道人見于書傳者畧而不博失其傳者可勝言哉余屢對汝衆舉近世得道之士皆耳目所親接者其行事甚詳其談道甚明暇日當集全真大傳以貽後人師既沒雖嘗口傳其槩而後之學者尚未見其成書惜哉